

ՀՀ Արմավիրի մարզպետ Համբարձում Մաթեոսյանի շնորհավորական ուղերձը Անկախության օրվա առթիվ

21.09.2019

Արմավիրի մարզի հարգելի բնակիչներ, սիրելի հայրենակիցներ, Ի սրտե շնորհավորում եմ բոլորիս Հայաստանի Հանրապետության անկախության հռչակման 28-րդ տարեդարձի առթիվ:

1991 թվականի սեպտեմբերի 21-ի հանրաքվեում Հայաստանի ժողովուրդը ձայների ճնշող մեծամասնությամբ քվեարկեց ԽՍՀՄ-ի կազմից դուրս գալու եւ անկախ պետություն ստեղծելու օգտին:

Այդ պատմական քայլով դարավոր մեր հայրենիքում մենք վերակերտեցինք մեր պետականությունը՝ փոխելով Հայաստանի կարգավիճակն ու ճակատագիրը, հայրենի մեր երկիրը դարձնելով համայն հայության տունը:

Անկախության 28 տարիների ընթացքում հայ ժողովրդին ոչինչ չի ընկճել, քանի որ հայն իր առջեւ երբեք միայն գոյատևելու խնդիր չի դրել, այլ առաջնորդվել է հզոր պետություն ունենալու պատվով ու առաքելությամբ:

Հավատացած եմ, որ այսօր ավելի քան մոտ է այն օրը, երբ մեր միասնական ուժերի, համառ աշխատանքի եւ նպատակասլացության շնորհիվ իրականություն կդառնա հայության դարավոր երազանքը:

Կրկին շնորհավորում եմ բոլորիս Անկախության օրվա առթիվ՝ ցանկանալով բազում ձեռքբերումներ եւ հաջողություններ՝ ի փառս մեր Հայրենիքի:

Կեցցե՛

Հայաստանի

Հանրապետությունը:

Փա՛ռք հայ ժողովրդին: